



ŪTETHYO KUMA ÌŪLŪ

KIANDIKITWE
NI WATSON GOODMAN

NIKYAMANA
—TIKYAKŪTHOOSYA

“ŪTETHYO KUMA IŪLŪ” nĩ ūkolany’o wa mĩsoa ĩla ĩthengeanie ya maandiko kwa momanyisyo kuma ilunguni syĩ kĩvathũkan’yo sya Mbivilia. Nĩ ngũĩkĩia kĩkĩithya kĩseo kya maandiko nĩ Mbivilia mwene.

“Ndeto ya Ngai yũkaa kuma iũlũ” na nĩ ūtethyo mũnene wa ngoo ĩla syĩna nzaa na waoni wa Ūlũngalu. Yĩla mũndũ wambũla, na kũlwa nĩ naĩ, na kũmũthokya Mwĩaĩi Yesũ Klisto ekale ngoonĩ yake, na kũĩkĩia na ngoo yonthe nthĩnĩ wa Mwĩaĩi Yesũ Klisto ta mwovosya Mwĩaĩi akeyonan’ya kwake mwene na Kũete Ūtanu na mũuo ngoonĩ ya Mwĩfikĩli. Namanyie ũu mwakanĩ wa 1937 na ndaatũla wĩw’ano ũũ wa ũsengyo na mwĩaĩi kuma ĩvinda yĩu. Nĩũkũlya we wĩnengane kwake ta mwovosya waku na mwĩaĩi oyu, ethĩwa ndwaaĩka ou vau mbeenĩ.

— Watson Goodman

Yoana 3:16

Nündū Ngai nīwendete nthī, nīwanenganie Mwana wake e ũmwe, nī kana e ũla ũmwitīkīlaa ndakae, īndī ethīwe na thayū ũtathela.

Yoana 13:1

Na mboka ya vasaka ītanavika, Yesū nīwesī kana saa wake nī mūviku aume kūū nthī athi kwa Asa, na kwa kwīthīwa nīwame-ndie ala make me kūū nthī, ame-ndie kūvika mūminūkīlyo.

Ūvuan'yo 1:5

Na kuma kwa Yesū Klīsto, ngūsī yī kīthito, na mūsyawa

wa mbee wa akw'ū, na mūnene wa asumbī ma nthī. Kwa ũsu ũtwendete, na kūtūthasya na nthakame yake tume nainī sitū.

1 Yoana 4:8, 9

Ūla ũtendanaa ndamwīsī Ngai; nündū Ngai nī wendo. Ūndūnī ũū wendo wa Ngai nīwonanītw'e kwitū, nündū Ngai nīwamūtūmie Mwana wake kūū nthī, ũla wasyaiwe e ũmwe, nī kana twīthīwe na thayū kwondū wake.

Alomi 5:8

Īndī Ngai nīwonanisye wendo wake mwene kwitū, atī yīla twaī athe, Klīsto akw'a kwondū witū.

Yoana 14:9, 10a

Yesū amwīa, Nai vamwe ne-nyu ivinda yīu yonthe, na ndūmbīsī, Vilivu? ūla wambonie nī-wamwonie Asa; wīasya ata indī, Twon'ye Asa? Ndwītikilite kana nyie nī nthīnī wa Asa, na Asa e nthīnī wakwa? . . .

Mathayo 1:22, 23

Na ūu w'onthe ūtwīkīte, nī kana wīanīw'e ūla waneeniwe nī Mwīaīi na kanyw'a wa mwa-thani, akyasya, Sisyā, mwīitu ake-thīwa e ivu, na akasyaa kavīsī, Nako syītwā yako makaketa I-manueli; na ūalyūlo wayo nī, Ngai vamwe naitū.

Yoana 1:1 na 14

Mwambīlilyonī kwaī Ndeto, na īla Ndeto yaī vamwe na Ngai, na īla Ndeto yaī Ngai. . . Na ī-la Ndeto yatw'ika mwīi na ya-tūa katī waitū (na ithyī twoona ūtheu mūtisu wake, ūtheu mūtisu ta wa ūla wasyaiwe weka auma kwa Asa), ausūite mumo na w'o.

1 Timotheo 3:16

Na vate ngananio nzama ya kūmūkīa Ngai nī nene; We ūla wonaniw'e e na mwīi, Atalīlwa ūlūngalu vevanī, Ooneka nī alaīka, Atavanw'a kwa Andū-mambaī-ingī, Eetīkīlwa kūū nthī, Atwawa īlū ūtheunī mūtisu.

1 Yoana 4:15

O ūla wumbūlaa kana Yesū nī Mwana wa Ngai, Ngai nūtwie nthīnī wake, nake atwīe nthīnī wa Ngai.

Akolosai 2:9

Nūndū wīanū w'onthe wa Ū-Ngai ūtwīe nthīnī wake e o na mwī.

Mathayo 8:29

Na sisya, makaya, makyasya, Ithyī twī ūndū naku wa kī, we Mwana wa Ngai? Nīwooka vaa kūtūthīn'ya ivinda yīte iviku?

Luka 1:35

Na mūlaika amūsūngīa, amwīa, Veva Mūtheu akooka iū-

lū waku, na vinya wa Ūla Wī lū-lū wa Onthe akakwīkīa muunyi: kwondū wa ūu kīla kītheu kisya-wa kīketawa Mwana wa Ngai.

Yoana 10:36, 37

Mwīneenea ūla wavathaniw'e na watūmiwe kūū nthī nī Ithe, Nūkūumana; nūndū nīnaisye, Nī Mwana wa Ngai? Ethīwa ndyī-kaa mawīa ma Asa wakwa, mūikambītikīle.

Mathayo 17:5

Akīneena, sisya, ithweo itisūku yamekīa muunyi: na sisya, wasya wauma ithweonī, ūkyasya, Ūū nī-we Mwana wakwa mwendwa, ūla nendew'e nīwe; mwīw'ei we.

Yoana 11:25

Yesū amwīa, Ninyie ūthayū-
kyo, na ninyie thayū: ūla ūmbītī-
kīlaa, o na ethīwa nūnūkw'a, a-
keethīwa na thayū.

Yoana 13:13

Inyw'ī mwīmbīta, Mūmanyī-
sya, na Mwīaī: na mwīasya nesa;
nūndū nīw'o ninyie.

Yoana 8:23

Na amea, Inyw'ī mwī ma ī-
theo; nyie nī wa īūlū: inyw'ī mwī
ma nthī īno; nyie ndi wa nthī
īno.

Yoana 4:25, 26

Ūla mūndū mūka amwīa, Nī-
nīsī kana Masia nīwūkīte (ūla

wītawa Klīsto): nake ooka, aka-
tūtavya maūndū onthe. Yesū a-
mwīa, Ninyie we ūla ūnūneena
naku.

Yoana 10:7

Na īndī Yesū amea īngī,
Nī w'o, nī w'o, nīngūmwīa, Nyie,
ninyie mūomo wa malondu.

Yoana 8:58

Yesū amatavya, Nī w'o, nī
w'o, nīngūmwīa, Nī kw'o naī,
Avalaamu atanamba ūsyawa.

Yoana 6:35

Yesū amea, Nyie, ninyie kīmū-
tū kya thayū: ūla wūkaa kwakwa
ndakew'a nzaa, na ūla ūmbītī-
kīlaa ndakew'a waūni o na īndī.

Mathayo 20:30 na 34

Na sisya, andu elĩ ililinda mekalĩte ũtee wa nzĩa, nao meew'a kana Yesũ nũvĩtĩte, maneena na mawasya manene, makyasya, Mwĩaiĩ, twĩw'ĩe tei, we mwana wa Ndaviti. . . Na Yesũ, nũndũ wa kũmew'ĩa tei, amakiita metho; na oyu manengwa kwona, na mamũatĩia.

Luka 5:4-6

Na amina ũneena, amwĩa Simoni, Twaa ngalawa vala ve kyũngũ, mũlikye itei syenyu nĩ kana mũkwatye. Na Simoni amũsũngia, amwĩa, Mwĩaiĩ, tũte-thisye wĩa ũtukũ w'onthe, na tũi-

nakwatya kĩndũ: ĩndĩ ũndũ wa ndeto syaku nĩngũlikya itei. Na meeka ũu, makwatya makũyũ maingĩ; na itei syoo syambĩlilya kũtw'ĩkanga.

Mathayo 14:19-21

Na ameaĩa makomano mekale nthĩ nyekinĩ; na oosa ila imũtũ itano na ala makũyũ elĩ, na ang'e-lela ĩtunĩ, aiathima, na aitolanga, na anenga amanyĩw'a make ila imũtũ, na amanyĩw'a manenga makomano. Na onthe maya, mavũna: na moosa ũtialo wa ilungu isu ndile, ikavũ ikũmi na ilĩ syausũa. Na ala maĩe maĩ andũ ta ngili itano, eka aka na syana.

Alomi 14:9

Nūndū kwondū wa ūu Klīsto nīwakwie na eethīwa thayū īngī, nī kana ethīwe Mwīaī wa ala akw'ū na wa ala me thayū.

Aevelania 1:2

Ngai. . . Mūminūkilyo wa mīthenya īno nūneenete naitū nthīnī wa Mwana wake, ūla wamwiie ethīwe mūtūwa wa syīndū syonthe, na kwondū wake oombie nthī syonthe.

Akolosai 1:16

Nīkwīthīwanthīnī wake syīndū syonthe nīsyoombiwe, sya ītunī na sya kūū nthī, syīndū ila syo-

nekaa na ila itonekaa, ethīwa nī ivīla sya ūsumbī, o na mosumbī, o na monene, o na mokūmū; syīndū syonthe nīsyoombiwe nīwe, syīthīwe syake.

Yoana 1:3

Syīndū syonthe nīsyatw'īkīthiw'e nīwe; na ate vo vati kīndū o na kīmwe kyaatw'īkīthw'a katī wa ila syatw'īkīthiw'e.

Meko ma Atūmwa 2:36

Kwondū wa ūu nyūmba yonthe ya Isilaeli īmanyē vyū, kana Yesū ūsu ūla inyw'ī mwamwambie, Ngai nūmūt'w'ite ethīwe Mwīaī, na īngī ethīwe Klīsto.

Mathayo 25:32

Na mbee wake nikomban'wa mbaĩ syonthe: nake nūkamavathan'ya aa na aya, tondū mūthi ūvathanasya malondu na mbūi.

Yoana 5:22

Nūdū ĩthe ndasililaa mūdū, ĩndī anengete Mwana ūsili w'onthe.

Meko ma Atūmwa 10:42

Nake atwīaīe tūtavan'ye kwa andū, na kūneena ūkūsī kana ūsu nīwe wītwe nī Ngai ethīwe Mūsili wa ala me thayū na wa ala akw'ū.

Alomi 2:16

Mūthenya ūla Ngai ūkasilila syĩmbithĩ sya andū, kwa nzīa ya Yesū Klīsto, kwīanana na ūvoo mūseo wakwa.

2 Timotheo 4:1

Nīkwīaīa mbee wa Ngai, na mbee wa Klīsto Yesū, ūla ūkasilila ala me thayū na ala akw'ū, o na ĩngī ūndū wa kumīla kwake na ūsumbī wake.

Alomi 14:10

Īndī we, wīsīlīla mwana-a-au nūdū wa ki? wana ĩngī we, wīvūthīsyā mwana-a-au kī? nūdū ithyonthe tūkaūngama mbee wa kīvīla kya sila kya Ngai.

8 ŪVONOKYO NO NTHINI WA KLISTO WEKA

Alomi 3:24

Nĩ kũtalĩlwa ūlũngalu mana nĩ mumo wake kwondũ wa wovosyo ūla wĩ nthĩnĩ wa Klīsto Yesũ.

Yoana 14:6

Yesũ amwĩa, Nyie, ninyie nzĩa, na ninyie w'o, na ninyie thayũ: vai mũndũ wũkaa kwa Asa, ate-sĩle kwakwa.

Yoana 8:24

Nũndũ wa ūu namwĩa, kana mũkakw'a naĩnĩ syenyu: nũndũ mwalea kwĩtikĩla kana ninyie we, mũkakw'a naĩni syenyu.

Meko ma Atũmwa 4:12

O na kũti ūtangĩio kwa ūngĩ o na wĩva w'onthe: nũndũ kũti syĩ-

twā yĩngĩ ĩtheo wa ĩtu, yĩnenge-twe andũ, yĩtwaĩle ithyĩ kũta-ngĩĩwa nayo.

Aevelania 7:25

Kwondũ wa ūu nake nũtonya kũmatangĩia vyũ ala mamũthengeeaa Ngai mavĩfile kwake, nũndũ e thayũ mĩthenya yonthe kũmavoyeaa.

Aevelania 5:9

Na eanĩw'a, atw'ika mwambĩlĩlya wa ūtangĩio wa tene na tene kwa onthe ala mamwĩw'aa.

Yoana 10:9

Nyie, ninyie mũomo; ūla ū-nũũvotela vala nĩ, ūsu akatangĩi-wa, na akavota nthĩnĩ na akau-maala, na akoona kya ūya.

Luka 19:10

Nūndū Mwana wa mūdū nī-
wokie kūmantha na kūtangiā
kīla kyaaie.

1 Akolintho 1:30

Indī nūdū wake inyw'ī mū-
nengetwe kwīthīwa nthini wa
Klisto Yesū, ūla ūtw'itwe kwitū
ūi ūla wumaa kwa Ngai, na ūlū-
ngalu, na kūvathan'wa, na wo-
vosyo.

Akolosai 1:12-14

Mūkīmūtūngīa Asa mūvea, ūla
watūtwe aīlu twīthīwe osi ma ū-
tīwa wa atheu nthini wa kyeni;
ūla watūtangiē kuma vinyanī
wa kīvindu na kūtūthamya na
kūtūlikya ūsumbīnī wa Mwana

wake mwendwa; nake nthini wa-
ke twī na wovosyo witū, ūkeo
wa naī sitū.

Tito 2:14

Ūla wenenganie mwene kwo-
ndū witū, nī kana atwovosye kū-
tumya mothūkunī onthe, na kwī-
theesya andū methīwe make
mwene, me na ūthangaau mawīa-
nī ala maseo.

Ūvuan'yo 5:9

Nao meina wathi weū, makya-
sya, Nīwaile we kwosa yīla ivu-
ku, na kumbūa mosiilo mayo: nī-
kwīthīwa nīwooaiwe, na kūmū-
thoea Ngai na nthakame yaku
andū ma kīla mbaī, na kīthyomo,
na ūko, na mīthemba.

10 KŪVWIKWA KWA NAI NIKWA NTHAKAME YA YESŪ

Aeveso 1:7

Nake nthini wake twi na wovosyo witu kwondū wa nthakame yake, ūekeo, wa mavityo maitu, kwianana na ūthwii wa mumo wake.

1 Yoana 1:7

Indi ethiwa tūendaa na kyeni, tondū we wi kyenini, twi na mūamba ene kwa ene, na nthakame ya Yesū Mwana wake nitūtheasya nai syonthe.

1 Vetelo 1:18, 19

Mūkimanya kana nīmwoovoiwe mume mwikalileni wenyu wa mana ūla mwoosie kuma kwa aaūmae menyu, na mūiaaovow'a na syindū ila syanangikaa, ta ve-

tha kana thaavu; indi mwovoe-tw'e na nthakame yi vata mūno, ta ya katena ka ilondu kate kawathe kana kaūdū nongi, nayo ni nthakame ya Klīsto.

Alomi 5:9

Indi mbee mūno, yu tūtalilwe ūlūngalu nūdū wa nthakame yake, tūkatangiwa niwe kuma ūthatuni wa Ngai.

Aevelania 9:14

Ni mbee veana ata nthakame ya Klīsto, ūla kwondū wa Veva wa tene na tene wenenganie mwene kwa Ngai ate kiema, kūtheasya wasya wa ngoo wenyu mume mawiani makw'u mūthūkūme Ngai ūla wi thayū?

UTANGIHO NŪNDŪ WA MŪIKIHO NTHINI WA KLİSTO 11

Akalatia 5:6

Nŭndŭ nthini wa Klīsto Yesŭ kwaikwa kŭiailya ũndŭ, kana kŭlea kwaikwa; indī mŭikiho ũla ũtethasya wia kwondŭ wa wendo.

1 Yoana 5:4

Nŭndŭ o kila kīsyaitwe nī Ngai nīkīkīlasya nthī vinya: na kila kīkīlasya nthī vinya, nī mŭikiho witŭ.

Aeveso 2:8, 9

Nŭndŭ nīmŭtangĩitwe na mumo kwondŭ wa mŭikiho; naw'o ndumite kwa inywi ene, nī mŭthinzio wa Ngai; ti ũndŭ wa meko, kana kŭikethiwe mŭndŭ o na wiva kwīkathīa.

Yoana 20:31

Indī ii niandikitwe, nī kana mwitīkile atī Yesŭ nīwe Klīsto, Mwana wa Ngai; na ũndŭ wa kwitīkila kwenyu mwithiwe na thayŭ syitwanī yake.

Alomi 5:1

Indī twatalilwa ũlŭngalu nŭndŭ wa mŭikiho, twī an mŭuo na Ngai kwondŭ wa Mwīaī waitŭ Yesŭ Klīsto.

Yoana 6:28, 29

Na kwondŭ wa ũu mamwīa, Twīika ata indī, kana twīkae mawīa ma Ngai? Yesŭ amasŭngīa, amea, Ūū niw'o wia wa Ngai, mŭmwitīkile ũla watŭmiwe nīwe.

Aevelania 4:16

Nītūthengeee īndī na ūkūmbaũ kīla kīvīla kya ūsumbī kya mumo, nī kana twose īnee, na kwona mumo wa kūtūtethya īvinda ya vata.

Mathayo 18:11-14

Nūdū Mwana wa mūdū nīwokie kūtangīa kīla kyaite. Mwīona ata? ethīwa mūdū o na wīva e na malondu īana, na yīmwe yamo yīkyaa, ndeūtia ala mīongo kenda na kenda, na akīthi iīmanī kūmantha yīla yau? Na ethīwa nūnūyona, nī w'o nīngūmwīa, nūnūyītanīa yīu mbee wa ala mīongo kenda na kenda

mate mau. No ta ūu ti kwenda kwa Īthe wenyu ūla wī ĩtunī, kamwe ka tūū tūnini kae.

1 Vetelo 1:3

Nakathwe Ngai, Īthe wa Mwīaī waitū Yesū Klīsto, ūla kwīanana na tei wake mwingī watūsyāie īngī twīthīwe na wīkwatyo wī thayū kwondū wa kūthayūūka kwa Yesū Klīsto kuma akw'ūnī.

Tito 3:5

Ti kwondū wa meko ma ūlūngalu, ala ithyī tweekie, īndī kwīanana na tei wake nīwatūtangīe, kwondū wa kūthambw'a kwa kūsyawa īngī, na kūt'wīkīthw'a eū nī Veva Mūtheu.

Mathayo 11:28

Ūkai kwakwa, inyw'onthe ala mŭthĩniaa wĩa na ala mwĩ na mĩio mĩito, nakwa ngamŭthũ-mŭsya.

Ūvuan'yo 22:17

Na Veva na mŭtwawa measya, Ūka. Na ũla wĩw'aa nĩasye, Ūka. Na ũla wĩ na waũni, nĩoke: o ũla ũnũkwenda, nĩose manzĩ ma thayũ mana.

Yoana 7:37

Na ĩndĩ mŭthenya wa kŭmina, mŭthenya ũla mŭnene wa mboka, Yesũ aũngama na aneena na wasya mŭnene, akasya, Ethĩwa mŭ-

ndũ o na wĩva e na waũni, nĩoke kwakwa anyw'e.

2 Akolintho 5:20

Na ĩndĩno twĩ atŭmwa kwondũ wa Klĩsto, o ta Ngai ũnũkwĩsũvanĩla kwitũ: nĩtũũmwĩsũva kwondũ wa Klĩsto, mwĩw'anĩthw'e na Ngai.

2 Timotheo 1:9

Ūla watũtangĩie, na kũtwĩta na wĩtano mŭtheu, ti kwĩanana na meko maitũ tondũ mailyĩ, ĩndĩ kwĩanana na kwenda kwake mwene na mumo ũla twanengiwe nthĩnĩ wa Klĩsto Yesũ mbee wa mavinda ma tene tene.

14 TI ANDŪ ONTHE NE SYANA SYA NGAI

Avilivi 2:15

Nĩ kana mwĩthĩwe mũtailĩlĩka ũthũku na mwĩ auu, syana sya Ngai ite na ũndũ ũtaĩle katĩ wa ũsyao mũthũku na mũemu, na-w'o nthĩnĩ waw'o nĩmwonekaa ta syeni kũũ nthĩ.

1 Yoana 3:10

Ūndũnĩ ũũ syana sya Ngai ni-kwonanw'a, o na syana sya nde-vili: o mũndũ ũla ũtekaa ũlũnga-lu ti wa Ngai, o na ũla ũtamwe-ndaa mwana-a-ĩthe.

Alomi 8:14, 15

Nũndũ onthe ala matongoea-w'a nĩ Veva wa Ngai, asu nĩ o ana ma Ngai. Nũndũ mũiaaosa

veva wa ũkombo ĩngĩ ũetae w'ĩa; ĩndĩ nĩmwoosie veva wa kũtuwa ana, kwondũ wa ũu nĩtwĩkailaa, tũkyasya, Nau, Asa.

Yoana 1:12

Īndĩ onthe ala mamwosie, ama-nenga ũkũmũ wa ũtw'ĩka syana sya Ngai, o ala metĩkĩlaa syĩtwa yake.

2 Akolintho 6:17, 18

Kwondũ wa ũu Umai katĩ woo, na mwĩthĩwe mwĩvathanĩte nao, eneena ũu Mwĩaiĩ, Na mũikakii-te kĩndũ kĩvuku; Nakwa ngamwo-sa, Na ngeethĩwa ĩthe wenyu, Na inyw'ĩ mũkeethĩwa ana ma-kwa, aũme na eĩtu, eneena ũu Mwĩaiĩ, Mwene Vinya W'onthe.

ŪNDŪ NGAI WAASYA ĪŪLŪ WA ŪTHENGI 15

Luka 21:34

Īndī ĩsŭvīei, ngoo syenyu itike-se kŭemewa nī kŭya mŭno, na ūthengi, na mawĩmakĩo ma tha-yũ ūũ na mŭthenya ūsu kŭmŭvĩ-kĩa na kĩthŭlŭmũko ta kĩtei.

Luka 1:15

Nĩkwĩthĩwa akethĩwa e mŭne-ne methoni ma Mwĩaĩ, na mbi-nyu kana kĩla kĩtoonasya ndaka-nyw'a; o na kuma ĩvunĩ ya nyi-nyia akeethĩwa ausũitwe nĩ Veva Mũtheu.

Akalatia 5:19-21

Na yu mawĩa ma mwĩĩ nĩ mo-neku, nĩmo aa: ūlaalai, ūvuku, mĩmeo mĩthũku, kũthaitha mĩ-

vw'anano, ūoi, ūmaitha, ĩteta, kĩ-wĩu, mothilĩku, ngananĩo, ūtaa-nĩsyo, momanyĩsyo ma ūvũngũ, mawendi, ūthengi, mboka itaile, na maũndũ angĩ mailyĩ ta asu; kula kwĩ maũndũ asu nĩmũtaa mbee, o ūndũ namũtaie, kana ala mekaa maũndũ ta asu maika-tĩwa ūsumbĩ wa Ngai.

Alomi 13:13, 14

Tũkinyae ūndũ kwaile, ta twĩ mŭthenya; ti mbokanĩ itaile na ūthenginĩ, ti mĩmeonĩ mĩthũku na ūlaalainĩ, ti kũtetanĩ na kĩwĩunĩ. Īndī ĩvw'ĩkei Mwĩaĩ Yesũ Klĩsto, na ūndũ wa mwĩĩ, mũikese kũ-lilikana kwĩka mawendi maw'o.

Aevelania 3:13

Indī taanai kīla mūdū na ūla ūngī mīthenya yonthe, o īvinda yīla yītawa Ūmūnthi; nī kana kūikethīwe ūmwe wenyu ūtw'ika mūmū kwondū wa ūke-ngani wa naī.

Aeveso 4:17-19

Na indī nīneena ūu, na kūkū-sīa nthīnī wa Mwīaii, kana ku-ma yu inyw'ī mūikaende ūndū A-ndū-ma-mbaī-ingī maendaa, na ūtumanu wa ilīko syoo, nūdū ūmanyi woo nīwīkītwe kīvindu, mavathītwe kūasa na thayū wa Ngai, nūdū wa kūlea kūmanya

kūla kwī nthīnī woo, nūdū wa wūmū wa ngoo syoo; nao mavī-tūkīte kwīw'a, meenenganie mī-meonī mīthūku, meke ūvuku w'onthe na wendi.

1 Timotheo 1:12, 13

Nīmūtūngīa mūvea ūla wa-ndonyethisye, nake nī Klīsto Ye-sū Mwīaii waitū, nūdū nīwanda-lile kwīthīwa na kīthito akīndw'a wa kūmūthūkūma; o na kau na vu tene naī mūumi wa Ngai, na mūthīn'ya wa andū, na kūmeka naī: indī nīneew'īwe tei, nūdū nīneekie ndesī ndanamba kwī-tīkīla.

Aeveso 5:6

Mūndū ndakamūkenge na ndeto sya mana: nūndū kwondū wa maūndū aa ūthatu wa Ngai nū-mokīaa ana ma ūlei.

Akalatia 6:7

Mūikakengeke; Ngai ndavūiawa ngūi: nūndū o kīla mūndū ūvuīaa, nokyo ūkaketha.

Yakovo 1:22

Indī īthīwai mwī eki ma ndeto, na ti ewi oka, mūkīlenga ene.

1 Akolintho 6:9, 10

Kana mūtyīsī kana ala mate na ūlūngalu matikatīiwa ūsumbī wa Ngai? Mūikakengeke: eki ma naī na eītu, o na athaithi ma mī-

vw'anano, o na ilaalai, o na ala metusaa ta aka, o na ala meyīkaa naī na aūme, o na ing'ei, o na ala me na ītomo, o na anywi, o na aumani, o na avutani, maikatīiwa ūsumbī wa Ngai.

1 Yoana 3:7, 8a

Syana syakwa nini, mūiketīkīle mūndū amwasye: ūla wīkaa ūlūngalu nī mūlūngalu, o ūndū we nī mūlūngalu: ūla wīkaa naī nī wa ndevili; nūndū ndevili atwīe ekaa naī kuma mwambīlīlyonī.

Akalatia 6:3

Nūndū ethīwa mūndū eītalīlya kwīthīwa kīndū, nake ti kīndū, eīkenga mwene.

Alomi 8:6

Nūndū kŭlilikana kwa mwī
nī kīkw'ū; īndī kŭlilikana kwa
Veva nī thayū na mūuo.

Alomi 5:12

Kwondū wa ūu, nūndū wa mū-
ndū ūmwe naī yalikile kŭū nthī,
na kīkw'ū kwondū wa naī; na
kwa ūu kīkw'ū kyavikīa andū o-
nthe, nīkwīthīwa onthe nīmeekie
naī.

Ūvuan'yo 21:8

Īndī ala makīaa, na ala matetī-
kīlaa, na ala mathatasya, na o-
aani, na ilaalai, na aoi, na athai-
thi ma mīvw'anano, na onthe ala
maneena ūvūngū, kīanda kyoo

kīkeethīwa īiani yīla yakanaa
mwaki na mūvilitī, nayo nī kī-
kw'ū kya kelī.

Yakovo 1:15

Na īndī ītomo yaya īvu, yīsyaa-
aa naī: na īla naī yeana, isyaaa
kīkw'ū.

Luka 15:32

Īndī nītwailitwe nī kūtana na
kwīw'a mūyo: nūndū mūinau ūū
aī mukw'ū, na nīwathayūūka: aī
mwau, na nīwaumbūka.

Alomi 6:21

Mwaī na ūsyao mwaū īvinda
yīu maūdūnī asu ala mūmewī-
aa nthoni yu? nūndū mūminūkī-
lyo wa maūdū asu nī kīkw'ū.

Ūvuan'yo 1:18

Na nĩ Ūla wĩ thayũ; nakwa naĩ mũkw'ũ, na sisya, nĩ thayũ kũvika tene na tene, na nĩ na mbungũo sya kĩkw'ũ na sya vala maveva ma akw'ũ mekalaa.

Luka 7:14, 15a

Na athengeea akiita mũseke-seke: na ala makuĩte maũngama. Nake asya, Mwanake, nĩngũũta-vya, Ūkĩla. Na ūla waĩ mũkw'ũ ekala nthĩ, na ambĩlilya ūneena. . .

Yoana 10:17, 18

Kwondũ wa ūu Asa nũmbendete, nũndũ nĩngwia thayũ wakwa nthĩ, nĩ kana nĩwose ĩngĩ. Vai mũndũ ūnũũmbena thayũ, ĩ-

ndĩ no nyie ngũwia nthĩ. Nĩ na ūkũmũ wa kũwia nthĩ, na nĩ na ūkũmũ wa kũwosa ĩngĩ. Mwĩao ūũ noosie kwa Asa wakwa.

1 Akolintho 15:25, 26

Nũndũ mũvaka asumbike e we, kũvkia yĩla ūkamaia amaitha make onthe ungu wa nyaĩ syake. Mũmaitha wa mũminũkĩlyo ūla ūkanangwa nĩ kĩkw'ũ.

Yoana 11:43, 44

Na aneena maũndũ asu, aneena na wasya mũnene, Lasalo, umaala. Ūla eĩ mũkw'ũ aumaala, alingĩlitwe ngũa ya mathiko maũũ na moko; na ūthyũ wake wovetwe na kĩtambaa. Yesũ ame, Mũthasyei, na mũekei athi.

Yoana 13:34

Nĩngũmũnenga mwĩao mweũ,
atĩ mwendane inyw'ĩ kwa inyw'ĩ;
o ũndũ namwendie, nenyu mwĩ-
thĩwe mũkyendana o w'o.

Maliko 10:17-21

Na akĩthi na nzĩa, mũndũ ũ-
mwe ooka vala ũĩ asemete, na a-
mũtulĩya ndu, amũkũlya, Mũ-
manyĩsya mũseo, nĩke ũndũ wĩ-
va nĩ kana nĩtiwe thayũ ũtathe-
la? Na Yesũ amũkũlya, Nĩkĩ
ũũmbĩta mũseo? kũĩ mũseo ate o
ũmwe, nake nĩ Ngai. Nũmĩsĩ ĩla
mĩao, Ndũkoe, Ndũkalaalae,
Ndũkoye, Ndũkaneene ũkũsĩ wa
ũvũngũ, Ndũkavutane, Taĩa au

na mwenyu. Nake amwĩa, Mũ-
manyĩsya, maũndũ asu onthe nĩ-
namakwatie kuma nĩ mũnini. Na
Yesũ aimũsisya amwenda, na a-
mwĩa, Ve ũndũ ũmwe ũtiele:
thi, ũkathoosye o ĩla wĩ nasyo, ũ-
nenge ngya, na ũkethĩwa na ũ-
thwii ĩtunĩ: na ĩndĩ ũkyũka, ũnga-
tũie.

Mathayo 22:36-40

Mũmanyĩsya, mĩaonĩ, mwĩao
ũla mũnene nĩ wĩva? Na amwĩa,
Mwende Mwĩaiĩ Ngai waku na
ngoo yaku yonthe, na thayũ wa-
ku w'onthe, na kĩlĩko kyaku kyo-
nthe. Ũu nĩw'o mwĩao ũla mũ-
nene na wa mbee. Na wa kelĩ

ũvw'anene naw'o, nĩw'o ũũ, Mwe-
nde mūtũi waku o tondũ wĩye-

ndete. Mĩao ĩsu ĩlĩ nĩyũmbanĩtye
ĩla mĩao yonthe na athani.

NDŪTONYA KWĪIVITHA KUMA VALA VE NGAI 21

Meko ma Atũmwa 17:24-28

Ngai ũla wombie nthĩ na syĩ-
ndũ syonthe ila syĩ vo, we, Mwĩa-
ĩi wa itũ na nthĩ, ndekalaa nyũ-
mbanĩ syakĩtwe na moko; o na
ndathũkũmawa nĩ moko ma a-
ndũ, ta wĩ na vata wa kĩndũ, nĩ-
kwithĩwa nĩwe ũnengae onthe
thayũ, na mĩthũmũ, na syĩndũ
syonthe; na oombie mbaĩ syo-
nthe sya andũ kuma mũndũnĩ
ũmwe, matũae ĩlũlũ wa nthĩ yo-
nthe, atw'ite mavinda moo ala
wambie ũtw'a, na mĩvaka ya ma-
wĩkalo moo; nĩ kana mamũma-

nthe Ngai, o na ethĩwa nĩmato-
nya ũmũmantha maimũvavata
mamwone, o na kau nde kũasa
na kĩla ũmwe waitũ: nũndũ twĩ
thayũ, na nĩtũũthi, na twĩ na
mwĩkalĩle witũ nthĩnĩ wake; o
tondũ atili amwe menyu ma mba-
thi maisye.

Aevelania 4:13

Na vai kĩndũ kyũmbe kĩtau-
mĩlĩte mbee wake: ĩndĩ syĩndũ
syonthe nĩ nthi na kumĩlw'a me-
thonĩ ma ũla wĩ na maũndũ
maitũ.

ŪSILILO WA TENE NA TENE KWA ALA MATAMWISI NGAI

Ūvuan'yo 20:15

Na ethiwa mūdū o na wiva alea kwoneka aandikitwe ivukunī ya thayū, niwekiw'e iianī ya mwaki.

Mathayo 13:41, 42

Mwana wa mūdū akatūma alaika make, nao makomban'ya molulutikyo onthe maumw'e ūsumbini wake, na ala mekaa mothuku, na makamekya ikonī inene yi mwaki: vo vakethiwa kiio na kivevetan'ya maeo.

Mathayo 18:8

Na ethiwa kw'oko kwaku kana kuu kwaku nikuu kululutikya, kutile, wikye kusa naku: ni u-

seo kwaku ulike thayuni na kithu kya kw'oko kana kya kuu, kwi ukikw'a wi na moko eli kana mauu eli mwakinī wa tene na tene.

Mathayo 25:46

Na asu makathi makalika thini wa tene na tene; indi ala alungalu makalika thayuni utathela.

2 Vetelo 3:7

Indi matu ala me vo yu, na nthi, siwe mwaki undu wa ndeto o isu, ikisuviva kuvika muthenya wa usililo na kwanangwa kwa andu ala matamukiaa Ngai.

Aevelania 9:27

Na o ūndū andū matw'īwe maiwe kūkw'a o īmwe, na ī-tina wa kūkw'a ūsililo.

Meko ma Atūmwa 17:31

Nīkwīthīwa nīwūte mūthenya ūla ūkasilila nthī yonthe na ū-lūngalu, kwa mūdū ūla wanyu-vie; nake amanengete andū o-nthe kūmanya, kwondū wa kū-mūthayūūkya kūmumya kwa a-akw'ū.

1 Yoana 4:17

Kwondū wa ūu wendo nī-wīanīw'e kwitū, nī kana twī-thīwa na ūnyiau mūthenya wa ū-sililo; nūdū ūndū ūilyī we nī-w'o ithyī tūilyī kūū nthī.

Alomi 14:12

Kwa ūu īndī kīla ūmwe wai-tū akaumya ūvoo wake mbee wa Ngai.

2 Akolintho 5:10

Nūdū ithyī ithyonthe nītū-kaumīlw'a mbee wa kīvīla kya sila kya Klīsto; nī kana kīla mūdū ose maūdū ala meeki-we e nthīnī wa mwī, kwīana-na na ūndū wekie, o na ethīwa nī ūseo kana ūthūku.

2 Vetelo 2:9

Mwīaī nīwīsī nzīa ya kūma-vonokya ala mamūkīaa Ngai maume matatwanī, na kwīkalya ala mate alūngalu kūvika mū-thenya wa ūsililo masililwe.

2 Akolintho 9:15

Ngai natūngiwe mūvea kwondū wa mūthinzio wake ūtaweteka.

Alomi 5:15

Indi ūla mūthinzio ndūilyi ta yila ivityo. Nūdū ethiwa aingi makwie ni ivityo ya ūmwe, mbee mūno mumo wa Ngai, na ūla mūthinzio nūdū wa mumo wa mūdū o ūmwe, Yesū Klīsto, waingiva kwa aingi.

1 Vetelo 5:5b

. . . nikwīthiwa Ngai nūsiīaa ala mekwīnenevya, indi amane-ngae mumo ala menyivasya.

Meko ma Atūmwa 4:33

Na atūmwa maumya ūkūsi woo wa kūthayūka kwa mwīaii Yesū na vinya mūnene: na mumo mūnene wai iūlū wa onthe.

2 Akolintho 8:9

Nūdū nīmūūmanya mumo wa Mwīaii waitū Yesū Klīsto, kana, o na kau ai mūthwii, atwīka ngya kwondū wenyu, ni kana inywī kwondū wa ūkya wake mūtonye ūtwīka athwii.

Alomi 9:16

Na kwa ūu ti wa ūla wendaa, kana wa ūla ūsembaa, indi ni wa Ngai ūla wīwīaa tei.

Meko ma Atūmwa 3:19

Alyūlai ngoo, īndī, mwīthyūē, naī syenyu syanangwe, nī kana kūtonye kūka mavinda ma ūvuūkyo kuma ūthyūnī wa Mwīaīi.

Luka 13:3

Nīngūmūtavya, Ti w'o: īndī mwalea kūalyūla ngoo, inyw'onthe mūkaanangīka o ta ūu.

Meko ma Atūmwa 17:30

Īndī mavinda ma ūlea ūmánya, Ngai etw'a ta ūteona; īndī yu e-meaiā andū onthe kūndū kw'onthe maalyūle ngoo.

Luka 15:7

Nīngūmūtavya, ta ūu vakeethī-wa ūtanu ĭtunī nūndū wa ūmwe mwathe akīalyūla ngoo, kwī a-

la alūngalu mīongo kenda na kenda, ala mate vata wa kūalyūla ngoo.

Mathayo 3:2

Alyūlai ngoo; nūndū ūsumbī wa ĭtu nī mūthengeeu.

2 Akolintho 7:10

Nūndū woo ūla Ngai wendete ūetae ūalyūlo wa ngoo kūvika ūtangīo, naw'o nī ūalyūlo ūetae kwīlila: īndī woo wa nthī ūetae kīkw'ū.

Meko ma Atūmwa 2:38

Na Vetelo amea, Alyūlai ngoo, na mūivatiswa kīla mūndū syī-twanī ya Yesū Klīsto, mwone ūe-keo wa naī syenyu; na mūkoosa mūthīnzīo wa Veva Mūtheu.

Mathayo 6:14

Nūndū ethīwa inywĩ mūka-
maekea andū mavītyo moo, ĩ-
the wenyu wa ĩtunĩ akamūekea
inywĩ.

Luka 24:47

Na kana ūalyūlo wa ngoo na
kūekewa naĩ kūtavanw'e syītwa-
nĩ yake mbaĩnĩ syonthe, kwa-
mbīlīlya Yelusaleme.

Meko ma Atūmwa 5:31

Īndĩ we Ngai nūmūnenevetye
kw'okonĩ kwake kwa aūme, e-
thīwe Mūnene na Mūtangĩĩ, a-
manenge Isilaeli ūalyūlo wa
ngoo, na ūekeo wa naĩ.

Yoana 8:11

Na amwīa, Vai ūmwe, Mwī-
aĩi. Na Yesū amwīa, O nakwa
ndiūkūsīlīla: enda; na kuma yu
ndūkaaīke naĩ ĩngĩ.

Ūvuan'yo 3:20

Sisya, nīūngeme mūomonĩ na
kūvingūsyā: ethīwa mūndū o na
wīva akeew'a wasya wakwa na
Kūmbingūia mūomo, ngalika
kwake, na ngaīsanīa nake, na-
ke akaīsanīa nakwa.

Maliko 2:5

Na Yesū oona mūīkĩio woo,
amwīa ūla waĩ na ūwau wa
kwaa mamutha, Mwana, naĩ
syaku nīsyāekwa.

Akolosai 3:2

Mosūanōo menyu malūme maundūnī ala me iūlū, na ti maundūnī ala me nthī.

Yakovo 4:4

Inyw'ī ilaalai, mūiisī kana ūnyanya wa nthī nī ūmaitha na Ngai? Kwondū wa ūu o ūla ūkwenda kwithīwa e mūnyanyae wa nthī nūtw'ikīte mūmaitha wa Ngai.

Tito 2:11, 12

Nūdū mumo wa Ngai nīwumilite, ūkietee andū onthe utangōo, ūkitūmanyīsyā atī tūlee maundū onthe mate ma kūmūkīa Ngai na mawendi onthe ma

nthī, twīkalasye mathayū matū na kīlīko kīanīu na ūlūngalu na kūmūkīa Ngai īvīndanī yī tūī.

Aeveso 5:11

Na mūikethīwe na mūamba na mawīa ma kīvīndu mate na ūsyao, īndī kavāa nī kūmakān'ya.

1 Yoana 2:15, 16

Mūikamyende nthī, o na syīndū sya nthī. Ethīwa mūdū o na wīva nūnūūmyenda nthī, wendo wa Asa ndwī nthīnī wake. Nīkwīthīwa kīla kī kūū nthī, wendi wa mwī na wendi wa metho na wīyīan'yo wa thayū, ityūmaa kwa Asa, īndī nī sya nthī.

Yoana 10:10

Kīng'ei kītyūkaa, ate o kana kyūye, na kūaa, na kwananga: nyie nīnookie kana methīwe na thayū, na īngī methīwe naw'o mwingī.

2 Akolintho 5:17

Na kwa ūu ethīwa mūdū o na wīva e nthīnī wa Klīsto, nī kyūmbe kyeū: maūdū ala makūū nī mavītu; sisyai, nīmatw'īkīte meū.

1 Yoana 2:29

Ethīwa nīmwīsī kana we nī mūlūngalu, manyai kana kīla mūdū wīkaa ūlūngalu nūsyaitwe nīwe.

1 Vetelo 1:23

Nūdū mūsyaitwe īngī, na ti kwa mbeū īla yanangīkaa, īndī nī īla ītanangīkaa, ūndū wa ndeto ya Ngai, īla yī thayū na yīkalaa.

1 Yoana 5:18

Nītwīsī kana o mūdū ūla ūsyaitwe nī Ngai ndekaa naī; īndī ūla ūsyaitwe nī Ngai nīwīsūvīaa mwene, na ūla mūthūku ndamūkiita.

Yoana 3:3

Yesū amūsūngīa, amwīa, Nī w'o, nī w'o, nīngūkwīa, Keka mūdū ūsyawa kuma īlū, ndatonya kwona ūsumbī wa Ngai.

KUKWA KWA NAI—KUTHAYŪKA NTHINI WA KLİSTO

29

Akalatia 5:24

Na ala ma Klīsto Yesū nīma-
mbīte mwīi vamwe na mīmeo
na mawendi maw'o.

Akolosai 3:1

Ethīwa īndī mwathayūūkiw'e
vamwe na Klīsto, manthai maū-
ndū ala me īlū, vala Klīsto ūi,
ailyi nthi ngali ya kw'oko kwa
aūme kwa Ngai.

Aeveso 2:1 na 6

Nake nīwamūthayūūkisye i-
nyw'i, yila mwaī akw'ū kwondū
wa mavītyo menu na naī sye-
nyu. . . naitū nthini wa Klīsto

Yesū nīwatūthayūūkisye vamwe
nake, na kūtwikalya nthi vamwe
nake ituni.

1 Vetelo 2:24

Nake mwene akua naī sitū
mwīini wake mūtini īlū, nī ka-
na ithyī, tūkw'ite kwa naī, twi-
thiwe thayū kwa ūlūngalu; na
kwondū wa makūnwa make nī-
mwavoiw'e.

Alomi 6:2 na 11

Ithyī ala twakwie kwa naī, tū-
kekala vo īngi ata? . . . O ta ūu
nenyu italei ene kwithiwa mwī
akw'ū kwa naī, īndī mwī thayū
kwa Ngai nthini wa Klīsto Yesū.

Akalatia 6:8

Nūndū ūla ūvuīaa mwīi wake, kwa mwīi wake akaketha wana-ngīko; indī ūla ūvuīaa ūla Veva, kwa Veva akaketha thayū ūtathela.

Yoana 3:36

Ūla wītīkīlaa ū Mwana e na thayū ūtathela; indī ūla ūtamwītīkīlaa Mwana ndakona thayū, indī ūthatu wa Ngai wīkalaa iū-lū wake.

Alomi 6:23

Nūndū ituvi ya naī nī kīkw'ū; indī mūthīnzio wa Ngai nī thayū ūtathela nthīnī wa Klīsto Yesū Mwīaīi waitū.

Yoana 17:3

Na thayū ūtathela nīw'o ūū, nī kana makūmanyē we Ngai ūla wa w'o weka, na ūla wamūtūmie, nake nī Yesū Klīsto.

Yoana 3:14, 15

Na o tondū Mose wokililye ūla nzoka weūnī, mūvaka Mwana wa mūdū okilw'e ta ūū: nī kana o ūla ūmwītīkīlaa ethīwe na thayū ūtathela.

Yoana 5:24

Nī w'o, nī w'o nīngūmwīa, Ūla wīw'aa ndeto yakwa, na ūmwītīkīlaa ūla wandūmie, e na thayū ūtathela, na ndakalika ūsililonī; indī nūvītite kuma kīkw'ūnī na kūlika thayūnī.

Alomi 8:16

Ūla Veva mwene akūsīāa
vamwe na maveva maitū, kana
ithyī twī syana sya Ngai.

1 Yoana 2:3

Na ūndūnī ūū nītwīsī kana
nītūmūmanyīte, ethīwa nītūkwa-
taa mīao yake.

1 Yoana 4:13

Ūndūnī ūū nītūūmanyā kana
tūtwiē nthīnī wake nake nthīnī
waitū, nūndū nūtūnengete Veva
wake.

1 Yoana 3:18, 19

Syana syakwa nini, tūikenda-
ne na ndeto, kana na ūīmī; īndī

twendane na kwīka, na twendane
w'o. Kwondū wa ūū nītūūmanyā
kana twī ma ūla w'o, na nītū-
tonya kūvīndīthya ngoo sitū, twī
mbee wake.

Yoana 14:21

Ūla wī na mīao yakwa, na
ūmīkwataa, ūsu nīwe ūmbende-
te: na ūla ūmbendete akendwa
nī Asa, nakwa ngamwenda na
ngeeyonan'ya kwake.

Akalatia 4:6

Na kwa kwīthīwa mwī ana,
Ngai atūmie Veva wa Mwana
wake alike ngoonī sitū, akīta-
naa, akyasya, Nau, Asa.

1 Vetelo 1:8

Ūla mūmwendaa o na kau mū-
iaamwona; o na mūtiūmwona yu,
īndī mūkīmwītikīla, mwītana mū-
no na ūtanu ūtaneeneka na wu-
sūitwe nī ndaia.

Yoana 17:13

Na yu nīngūka kwaku; na
maūndū aa nīneena kūū nthī, nī
kana methīwe na ūtanu wakwa
wusūe nthīnī wamo.

Akalatia 2:20

Nīnambiwe ngelan'yonī vamwe
na Klīsto; na tū nyie nī thayū
īngī, īndī no Klīsto wī thayū nthī-
nī wakwa; na thayū ūū nī naw'o

yu mwīnī nīngwīkala naw'o mū-
kīionī, mūkīio ūla wī nthīnī wa
Mwana wa Ngai, ūla wambendie,
na eenengane kwondū wakwa.

Yoana 15:11

Nīnamūtavya maūndū aa, nī
kana ūtanu wakwa wīthīwe nthī-
nī wenyu, na ūtanu wenyu wīthī-
we wī musūu.

Yoana 16:22 na 24

Nenyu yu mwī na kīmako:
īndī ngamwona īngī, na ngoo sye-
nyu ikatana, na ūtanu wenyu
vai mūndū wīmūvena. . . Kūvika
yu mūiaavoya ūndū syītwanī ya-
kwa: voyai, na mūkanengwa, ka-
na ūtanu wenyu wusūe.

Alomi 6:16

Mũĩsĩ, kana kwa ũla mwĩ-nenganĩte ene mwĩthĩwe ngombo syake sya kwĩw'a, mwi ngombo syake ũla mũmwĩw'aa; ethĩwa nĩ ũkombo wa naĩ ũetae kĩkw'ũ, kana ethĩwa nĩ ũkombo wa kwĩw'a ũetae ũlũngalu?

2 Athesalonika 1:7-9

Na kũmũnenga inyw'ĩ ala mũthĩnaw'a ũthũmũo vamwe naitũ, ĩvinda yĩla Mwĩaĩ Yesũ ũkavuanw'a kuma ĩtunĩ vamwe na alaĩka ma vinya wake ũlĩlĩnzĩnĩ wa mwaki, akĩĩvanĩsya kwa ala matamwĩsĩ Ngai, na ala ma-

tawĩw'aa ũvoo mũseo wa Mwĩaĩ waitũ Yesũ: ala makona ũsilĩlo, naw'o nĩ wanangĩko ũtakathela, kũvetwa ũthyũnĩ wa Mwĩaĩ na ũtheunĩ mũtisu wa vinya wake.

Ūvuan'yo 22:14

Nĩ aathime ala mathambasya ngũa syoo, nĩ kana methĩwe na ũkũmũ wa kũvika mũtĩnĩ wa thayũ, na mesĩle mbingĩlonĩ malike mũsyĩ.

Alomi 2:13

Nũndũ ti ewi ma ĩla mũiao alũngalu mbee wa Ngai, ĩndĩ nĩ eki ma mũiao makatalĩlwa ũlũngalu.

1 Yoana 2:23

O ūla ūnūūmūkaia Mwana, ūsu nde na Asa: ūla ūnūūmumbūla Mwana e na Asa nake.

Mathayo 10:32, 33

Kila mūdū indī ūla wīmbumbūlaa mbee wa andū, nakwa ngamumbūlaa mbee wa Asa wakwa ūla wī itunī. Indī o ūla wīngaiāa mbee wa andū nakwa ngamūkaiaa mbee wa Asa wakwa ūla wī itunī.

Alomi 10:9, 10

Nīkwīthiwa ethiwa ūkamumbūla Yesū na kanyw'a waku kana nīwe Mwīaii, na ūkeetikīla

ngoonī yaku kana Ngai nīwamūthayūūkisyē kūmumya akw'ūnī, ūkatangīwa: nūdū mūdū nīwītikīlaa na ngoo kūvikīa ūlūngalu; na nīwumbūlaa na kanyw'a kūvikīa ūtangīo.

Luka 9:26

Nūdū o ūla ūkambīw'ia nthoni nyie na ndeto syakwa, nūkewīwa nthoni nī Mwana wa mūdū, yīla ūkoka ūtheunī wake mūtisu, na wa ūthe, na wa alaika atheu.

Avilivi 2:11

Na nī kana kila ūīmī wīumbūla kana Yesū Klīsto nī Mwīaii, kwa ndaia ya Ngai Asa.

2 Athesalonika 2:9

Ūla kūka kwake nĩ kwĩanana na kwĩka kwa Satani na vinya w'onthē na syama na moseng'yo ma ūvūngū.

1 Vetelo 5:8

Ithĩwai na kīlīko, syaĩsyai: mūvinganĩsya wenyu ndevili angangaa kūū na kūū ta mūnyambū ūkūluma, aimantha mūndū aye.

Meko ma Atūmwa 26:18

Kūmasalukya metho moo, nĩ kana methyūūe na kūkītia kīvi-ndu makyelekele kyeni, na kūeka ūkūmū wa Satani na ūmwele-kela Ngai, nĩ kana mose ūekeo

wa naĩ, na ūtīiwa vamwe na onthe ala mavathanĩtw'e kwondū wa mūikīio ūla wĩ kwakwa.

Aeveso 6:11

Ikīai mīio yonthe ya kaū ya Ngai, nĩ kana mūtonye kūsiĩia maūĩ ma Satani.

Mathayo 4:1 na 10, 11

Nīvo Yesū watongoew'e nĩ Veva weūnī nĩ kana atatwe nĩ ndevili. . . Nīvo īndī Yesū wamwīie, Thi, Satani: nūndū nīkūandīkī-twe, Mūthaihae Mwīaĩi Ngai waku, na mūthūkūmae we, e weka. Na īndī ndevili amūtia, na sisya, alaĩka mooka mamūthūkūma.

2 Athesalonika 2:8

Nivo indī ūla mūng'endu ūkavuanw'a, ūla Mwīaī Yesū wīmūaa na mīthūmū ya kanyw'a wake, na kūmwananga na ūvuan'yo wa kūka kwake.

1 Yoana 3:8

Ūla wīkaa naī nī wa ndevili; nūndū ndevili atwīe ekaa naī kuma mwambīlilyonī. Kwondū wa ūu Mwana wa Ngai nīwonanīw'e, nī kana anange mawīa ma ndevili.

Aevelania 2:14

Indī nīkwīthīwa syana nīsyosaa mwīī na thakame, we nake

mwene nīwosie o ta ūu; nī kana kwondū wa kīkw'ū amwasye vinya ūla waī na vinya wa kīkw'u, nake nī ndevili.

Yakovo 4:7, 8a

Inyivyei indī kwa Ngai; indī mūsiīīei ndevili, nake akamūkīa. Mūthengeei Ngai, nake akamūthengeea inywī. . .

Alomi 8:35 na 37

Nūū ūla witūvathanasya na wendo wa Klīsto? nī monyamao, kana woo, kana thīna, kana yūa, kana ndwīkīwa, kana mūisyo, kana ūvyū? . . . Aiee, maūdūnī asu onthe nītūkīlya vinya mūno kwondū wa ūla watwendie.

Akalatia 5:22, 23a

Indi ūsyao wa Veva ni wendo, ūtanu, mũuo, wũmĩsyo, kwika angĩ nesa, kithito, ūuu, wĩting'o.

1 Yoana 4:20

Ethiwa mũndũ easya, Nyie ni-nĩmwendete Ngai, na emena mwana-a-ĩthe, ni mũneeni wa ū-vũngũ: nũndũ ūla ūtamwendaa mwana-a-ĩthe ūla wonaa, ndatonya kũmwenda Ngai ūla ūtaamwona.

Yoana 13:35

Na kwondũ wa ūu andũ onthe makamanya kana mwĩ amanyiw'a makwa, ethiwa mwĩthiwa na wendo inyw'i kwa inyw'i.

Yoana 21:16

Na amũkũlya ĩngĩ ya kelĩ, Simoni, mwana wa Yona, nũmbendete? Amwĩa, ĩ, Mwĩaiĩ; we niwĩsĩ kana nĩngwendete. Amwĩa, ĩthya malondu makwa.

1 Akolintho 13:1

O na nganeena na ithyomo sya andũ na sya alaĩka, nakwa ndi na wendo, ndwĩkĩte kindũ kĩtuĩtwe kya ūthuku kĩambaa, kana kĩla kĩkayaa.

1 Yoana 3:14

Nĩtwĩsĩ kana nĩtũvĩtite twauma kĩkw'ũni twavota thayũni, ni-kwĩthiwa nĩtũmendaa ana-a-asa. Ūla ūtendanaa atwĩe kĩkw'ũni.

Meko ma Atūmwa
10:39-41

Na ithyī twī ngūsī sya maū-
ndū asu onthe ala wekie nthī ya
Ayuti, na Yelusaleme nayo; na-
ke nīmamūaie makīmwamba mū-
tīnī. Mūdū ūsu Ngai nīwamū-
thayūūkisye mūthenya wa kata-
tū, na amumīlya onanw'e, ti kwa
andū onthe, indī kwa ngūsī ila
Ngai wambie ūnyuva, nasyo nī
ithyī, ala twaīe na kūnyw'a va-
mwe nake itina wa kūthayūūka
kwake kuma kwa akw'ū.

Yoana 20:26-28

Na matukū nyanya mathela
amanyīw'a make maī nyūmbanī

nthīnī ignī, na Thoma aī vamwe
nao. Na Yesū ooka, mīomo ī mī-
vinge, na aūngama katī wamo,
na asya, Itīhwai na mūuo. Na
indī amwīa Thoma, Ete kyaa
kyaku vaa, noiona itaa syakwa;
na ete kw'oko kwaku, wīkie
mbaunī kwakwa: na ndūkethīwe
ūtefīkīlīte, indī wīthīwe wītīkī-
līte. Thoma amūsūngīa, amwīa,
Mwīaīi wakwa na Ngai wakwa!

Maliko 16:9

Na Yesū athayūūka kīoko tene,
mūthenya wa mbee wa kyumwa,
amba ūmumīlīla Meli Makata-
lene, ūla waumiw'e nīwe ndai-
moni mūonza.

Alomi 1:4

Ūla watavaniw'e kwĩthĩwa nĩ Mwana wa Ngai na vinya, kwondũ wa veva wa ūtheu, nĩ kũthayũkw'a kuma kwa akw'ũ; Yesũ Klĩsto Mwĩaiĩ waitũ.

Alomi 6:3-5

Kana mũĩĩsĩ, ithyonthe ala twavatisiwe kũlikwa nthĩnĩ wa Klĩsto Yesũ, nĩtwavatisiwe kũlikwa nthĩnĩ wa kĩkw'ũ kyake? Twathikiwe ĩndĩ vamwe nake na nzĩa ya ūvatiso nthĩnĩ wa kĩkw'ũ kyake: nĩ kana o tondũ Klĩsto wathayũkiw'e kuma kwa akw'ũ nũndũ wa ndaia ya Ithe, naitũ no ta ūu tũkinyae na tha-

yũ mweũ. Nũndũ ethĩwa tũkwatanĩtw'e nake mũvw'anilenĩ wa kĩkw'ũ kyake, tũkeethĩwa o ta ūu mũvw'anilenĩ wa ūthayũkyo wake.

Yoana 5:25 na 28, 29

Nĩ w'o, nĩ w'o, nĩngũmwĩa, Saa nĩwũkĩte, o na yu nĩ mũviku, yĩla akw'ũ makew'a wasya wa Mwana wa Ngai; na ala mekwĩw'a makeethĩwa na thayũ. . . Mũikaseng'e kwondũ wa ūu: nũndũ saa nĩwũkĩte, yĩla onthe ala me mbũanĩ makew'a wasya wake, namo makauma; ala meekie moseo, kwa ūthayũkyo wa thayũ; na ala meekie mothũku, kwa ūthayũkyo wa ūsililo.

Luka 1:74, 75

Kana, twavonoka mokonĩ ma amaitha maitũ, akatũnenga ithyĩ Kũmũthũkũma tũte na w'ĩa, Twĩ na ūtheu na ūlũngalu kwake mĩthenya yaitũ yonthe.

2 Akolintho 7:1

Kwondũ wa kwĩthĩwa twĩ na matho aa, endwa, twĩthesye ene ūvuku w'onthe wa mwĩĩ na wa ngoo, tũkĩanĩsya ūtheu nthĩnĩ wa kũmũkĩa Ngai.

2 Timotheo 2:21

Ethĩwa ĩndĩ mũndũ etheasya kwa asu, akeethĩwa e mũio wa kwona ndaĩa, ūvathĩwe ethĩwe mũtheu, waĩle wĩa wa Mwĩaĩ, ūseũvĩtw'e kwa kĩla wĩa mũseo.

1 Vetelo 1:15

Īndĩ o tondũ ūla wamwĩtie nĩ mũtheu, o ta ūu ĩthĩwai atheu mwĩkalilenĩ wenyu w'onthe wa thayũ.

1 Vetelo 1:2

Kwĩanana na ūndũ Ngai Asa wamanyie kuma tene, kwondũ wa kũvathanw'a nĩ Veva kwĩthĩwe atheu kũvika kwĩw'a na kũminzangĩw'a nthakame ya Yesũ Klĩsto: Mumo nĩwĩthĩwe nenyu na mũuo nĩwingĩw'e.

Aevelania 12:14

Manthai kwĩthĩwa na mũuo na andũ onthe, na kũvathwa mwĩthĩwe atheu kũla mũndũ ate na kw'o ndakamwona Mwĩaĩ.

Aevelania 13:12

Kwondū wa ūu Yesū nake, nī kana avathan'ye andū na nthakame yake mwene methiwe atheu, nīwanyamaie ngalī ya nza ya mbingilo.

1 Yoana 1:9

Ethiwa nītūkumbūla naī sitū, we e kīthito, na nī mūlūngalu wa utūekea naī sitū, na kūtūthesya ūndū ūte ūlūngalu w'onthe.

Mathayo 3:11

Nī w'o nyie nīmūvatisaa na manzi kūvikīa ūalyūlo wa ngoo: īndī ūla wūkīte ītina wakwa e na vinya kwī nyie, o na ndyīanīwe nī ūkua iatū syake: ūsu aka-

mūvatisaa na Veva Mūtheu na mwaki.

2 Vetelo 3:11

Nīkwīthīwa syīndū isu syonthe nīkanyaīkw'a ūu, inyw'ī mwaile kwīthīwa andū mailyī ata mwīkalīlenī mūtheu wa thayū na kūmūkīa Ngai.

Aeveso 4:24

Na mwīvw'īke mūndū mweū, ūla wombiwe na mūvw'ano wa Ngai nthīni wa ūlūngalu na ūtheu wa w'o.

Aeveso 1:4

O ūndū watūnyuvie nthīnī wake nthī ītanambīlīlw'a, nī kana twīthīwe atheu tūte na ūndū ūtaile mbee wake nthīnī wa wendo.

Alomi 8:9

Indī inyw'ī mūi ma mwīi, indī mwī ma Veva, ethīwa nī w'o kana Veva wa Ngai atwīe nthīni wenyu. Indī ethīwa mūdū o na wīva nde na Veva wa Klīsto, ūsu ti wake nongi.

Luka 11:13

Ethīwa inyw'ī indī, ala mwī athūku, nīmwisī kūnenga syana syenyu mīthinzio mīseo, ti mbee mūno Ithe wenyu ūla wa itunī kūmanenga Veva Mūtheu ala mamwītasya?

Meko ma Atūmwa 7:55

Indī ausūitwe nī Veva Mūtheu, ang'elela aketee itunī, na oona ū-

theu mūtisu wa Ngai, na Yesū aūgeme ngalī ya kw'oko kwa aūme kwa Ngai.

Meko ma Atūmwa 1:8a

Indī mūkoosa vinya, yīla Veva Mūtheu wīūka iūlū wenyu: na mūkeethīwa mwī ngūsī syakwa...

Meko ma Atūmwa 11:24

Nīkwīthīwa we aī mūdū mūseo, na kusūwa nī Veva Mūtheu na mūikīo. Na andū aingī mongeleka ngalī ya Mwīaī.

Meko ma Atūmwa 4:31

Na mavoya, vala moombanīte vathingithangw'a; nao mausūwa onthe nī Veva Mūtheu, na maneena ndeto ya Ngai na ūnyiau.

Mathayo 28:20b

. . . Na sisyai, nyie nĩ vamwe nenyu mĩthenya yonthe, kũvika wĩaniũ wa ivinda yĩ.

Maliko 9:23

Na Yesũ amwĩa, Ethĩwa we nũtonya! Maũndũ onthe nĩmatonyeka kwa ūla ūnũkũĩkĩia.

Aevelania 12:7

Nĩ kwondũ wa kũsililwa mũmĩiasya; Ngai amwĩkaa ta ana; nũndũ nĩ mwana wĩva ūla ūtasililawa nĩ ithe?

1 Vetelo 4:12, 13

Endwa, mũikone ta ūndũ wa ūseng'ya ūtatwa ūilyĩ ta mwaki

ũla wĩ kwenyu, ūla ūmũvikĩaa ūmũtate, ta ūndũ weu wamũkwata: ĩndĩ o ūndũ mwĩ osi ma mathĩna ma Klĩsto, tanai; nĩ kana mũtane ūtanu mũnene mũno ĩvinda ya ūvuan'yo wa ūtheu wake mũtisu.

Ūvuan'yo 21:4

Na akavyaĩa methoi onthe methonĩ moo; na kĩkw'ũ kũikethĩwa vo ĩngĩ; o na kũikethĩwa ĩngĩ kũmeta, kana kũĩa, kana woo: maũndũ ma mbee nĩ mavĩtu.

Mathayo 6:33

Īndĩ ambai ūmantha ūsumbĩ wake, na ūlũngalu wake; na isu syonthe nĩmũkongeleelwa.

Aevelania 2:18

Nikwĩthĩwa we mwene nĩwa-thĩniw'e aitatwa, nũtonya kũmatheesya ala matatawa.

Alomi 16:20a

Na Ngai wa mũuo akamũtumba Satani ungu wa nyaĩ syenyu mĩtũkĩ. . .

2 Akolintho 4:17

Nũndũ thĩna ũũ witũ mũvũthũ, ũla wa kavinda kanini, nũtethasya wĩa mbee na mbee mũno wa utũetee ũtaĩo ũtathimĩka wa tene na tene.

1 Akolintho 10:13

Mũtyaakwatwa inyw'ĩ nĩ matatwa ate o ala mũndũ ũtonya kũ-

momĩisya: ĩndĩ Ngai e kĩthito, na ndakamũeka mũtatwe kũvĩtũka vinya wenyu; ĩndĩ vamwe na kũtatwa akamantha nzĩa ya kũtho-noka, nĩ kana mũtonye kũmomĩisya.

Alomi 8:28

Naitũ nĩtwĩsĩ maũndũ onthe mekaa vamwe na kũete moseo kwa ala mamwendaa Ngai, kwa ala meetiwe kwĩanana na kwenda kwake.

Yakovo 1:12

Nĩ mũathime mũndũ ũla wũmĩiasya matatwa; nũndũ eetĩkĩlwa, akanengwa ngovia ya ũsumbĩ ya thayũ, ĩla Mwĩaiĩ wamathie ala mamwendaa.

Ūvuan'yo 3:21

Ūla ūkīlasya, ngamūnenga kwīkala vamwe nakwa kīvilanī kya-kwa kya ūsumbī, o ūndū nakwa nakīlilye, na kwīkala vamwe na Asa wakwa kīvilanī kyake kya ūsumbī.

Ūvuan'yo 3:5

Ūla ūkīlasya, o ta ūu akavw'ikwa ngūa nzaū; na ndikananga nongi syītwā yake īvukunī ya thayū, na ngayumbūla syītwā yake mbee wa Asa wakwa, na mbee wa alaīka make.

Ūvuan'yo 3:12

Ūla ūkīlasya, ngamūtwa kītuī īkalūnī ya Ngai wakwa, na ndakaumaala īngī nongi: na ngaa-

ndīka īlū wake syītwā ya Ngai wakwa, na syītwā ya mūsyī wa Ngai wakwa, ūla Yelusaleme mweū, ūla ūtheeaa kuma ītunī kwa Ngai wakwa, na ngaandīka īlū wake syītwā yakwa mwene yīla yeū.

Ūvuan'yo 21:7

Ūla ūkīlasya akatīwa maūdū asu; nakwa ngeethīwa Ngai wake, nake akeethīwa mwana wakwa.

Ūvuan'yo 2:7

Ūla wī na kūtū, nīew'e ūndū Veva ūnūūtavya makanisa. Ūla ūkīlasya, ngamūnenga we aye ūsyao wa mūtī wa thayū, ūla wī mūūdānī wa Ngai.

46 NGAI NŪNEENAA NAITU IŪLŪ WAKŪTAAANISYA

Mathayo 5:32

Indī nyie ningumwia, kana kīla mūdū ūekaa mūka wake, ate o kwondū wa ūlaalai, nūnūūmūtw'ikīthya kīlaalai: na o ūla wīmūtwaā ūsu ūeketwe nūnūūlaalaa.

Alomi 7:2, 3

Nūdū mūdū mūka ūla wī na mūūme nīwovetwe nī mīao kwa mūūme īvinda yīla mūūme wī thayū; indī ethīwa mūūme akakw'a, nīwathaw'a kuma mwīaonī wa mūūme. O ta ūu ethīwa īvinda yīla mūūme wī thayū, akatwawa nī mūdū ūngī, akeetwa kīlaalai: indī ethīwa mūūme nī-

wakw'a, nūthaitw'e mwīaonī, nake we ti kīlaalai, o na atwawa nī mūdū ūngī.

Luka 16:18

O ūla ūekaa mūka wake, na aitwaa ūngī, nūnūūlaalaa: na o ūla wīmūtwaā ūsu ūeketwe nī mūūme nūnūūlaalaa.

1 Akolintho 7:10, 11

Indī kwa ala matwaanīte nīngwīaa, o na tī nyie, indī nī Mwīaī, kana mūdū mūka ndakamūlee mūūme, (indī ethīwa nūnūūthi, nīeyīkalye ate mūtwaē, kana ethīwa ti ūu, ew'ane na mūūme wake;) na mūūme ndakamūlee mūka wake.

Yakovo 5:8

Inyw'ī nenyu ūmīsyai; lūlū-
mīlyai ngoo syenyu: nūndū kū-
ka kwa Mwīaii kwī vakuvī.

Mathayo 24:27

Nūndū o ūndū ūtisi ūtisaa wu-
milonī wa syūa, nokyoneka kū-
vika ūthūilonī; no ta ūu kūke-
ethīwa kūka kwa Mwana wa
mūndū.

Maliko 8:38

Nūndū o ūla ūkambīw'īa ntho-
ni nyie kana ndeto syakwa ūsyao-
nī ūū wa ūlaalai na wa naī, nake
Mwana wa mūndū nūkamwīw'īa
nthoni, yīla ūkoka ūtheunī mū-
tisu wa Ithe wake vamwe na alaī-
ka atheu.

Ūvuan'yo 3:11

Ngooka mītūkī: lūmya ūla wī
naw'o, nī kana mūndū o na wī-
va ndakose ngovia yaku ya ūsu-
mbī.

Mathayo 24:30

Na īndī kūkyoneka wonan'yo
wa Mwana wa mūndū itunī: na
īndī mbaī syonthe sya nthī ika-
meta, na makoona Mwana wa
mūndū okīte iūlū wa mathweo
ma itu na vinya an ūtheu mūnene
mūtisu.

Yoana 14:3

Nakwa nathi ūmūseūvīsyā va-
ndū, ngooka īngī, na ngamwosa
inyw'ī mwīthīwe kwakwa; nī ka-
na vala nī, nenyu mwīthīwe vo.

Luka 21:27

Īvinda yīu nīmakamwona Mwana wa mūdū okite ĩthweonĩ na vinya na ūtheu mūnene mūtisu.

1 Yoana 3:2

Endwa, yu twī syana sya Ngai, na ndūnamba kwonanw'a ūndū tūkethīwa tūilyī. Nītwīsī kana, yīla wīonanw'a, tūkavw'anana nake; nūdū tūkamwona we o ūndū ūilyī.

Ūvuan'yo 16:15

Sisya, nīuka ta kīng'ei. Nī mūathime ūla ūsyāĩasya na kūsūvīa ngūa syake, ndakathi e mūthei, na makona nthoni syake.

Meko ma Atūmwa 1:11

Nao masya, Inyw'ĩ andū ma Kalilii, nīkī mūkūũngama mūkīsisya ĩtunī? Yesū ūsu, ūla woswa ĩlū ĩtunī kuma vala mūĩ, akooka o ta ūu, o ūndū mwamwona aithi ĩtunī.

Luka 12:40

Nenyu ĩkalai mwīyūmbanītye: nīkwīthīwa Mwana wa mūdū akooka saa ūla mūtataĩe.

Mathayo 16:27

Nūdū Mwana wa mūdū akooka ūtheunī mūtisu wa ĩthe wake vamwe na alaĩka make; na ĩvinda yīu akamūĩva kīla mūdū kwīanana na kwīka kwake.

NDETO SYA NGAI

2 Vetelo 1:21

Nündū wathani o na wiva ndwaaetwe nī kwenda kwa mūdū: indī andū maneenie ndeto syaumie kwa Ngai, maito-ngoew'a nī Veva Mūtheu.

Yoana 6:63

Nī veva ūla ūnengae thayū; mwī ndūtandīthya kīndū: ndeto ila nīneenete nenyu nīsyō veva, na nīsyō thayū.

Aevelania 4:12

Nīkwīthīwa ndeto ya Ngai ī thayū, na nī nthangaau, na nī mbūī kwī ūvyū ūla mūī ngalī syelī, nayo itonyaa kūvika kūaa-n'ya thayū na veva, na malee-

nyū na mūthungo, na ī mītū-kī ya kūmanya mosūanio na kwenda kwa ngoo.

Mathayo 22:29

Indī Yesū asūngīa na amea, Nīmūkūvītya, nīkwīthīwa mūtyī-sī maandīko, o na vinya wa Ngai.

Luka 21:33

Ītu na nthī nīkavīta: indī ndeto syakwa itīkavīta.

2 Timotheo 3:16

Kīla Ūandīko nīwaweveewe nī Ngai, naw'o nīwafle wa kūmanyīsyā, na kūkīrthya andū mavītyo, na kīmatūngīa, na kū-sīlīla kwa ūlūngalu.

Published in numerous languages by the World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

**World Missionary Press, Inc.
Box 120
New Paris, Indiana 46553 U.S.A.**

Text reprinted from the Bible in Kamba by permission of the United Bible Societies Africa Regional Centre, Nairobi, Kenya.

Kenya

Kamba

KIK

**132 Kikamba
Printed in USA**